

Surat khabar: Utusan Borneo (Berita Iban)

Hari/Tarikh: 19/8/2016

Muka surat: 10

Tajuk : Anang nda berubat lengkas enti bisi kelai dirampit denggi, malaria

Anang enda berubat lengkas enti bisi kelai dirampit denggi, malaria

KUCHING: Ba rayat menua tu lebih agi kitai di negeri Sarawak, penyakit ke dibai nyamuk baka denggi tauka malaria endang udah suah didinga.

Tambah mega beberapa taun ke udah, menua tu kala begau laban dua kes ketegal penyakit tu ke ngujung nabanka nyawa orang ke ditepan penyakit.

Tang, tentu tebal agi mensia mayuh nangika penyakit denggi laban iya suah bekaul enggau abi pantang nyamuk, kelimpah enda nulak pemisa penyakit malaria ke mega nyadi bepun ari chara ke sebaka sereta chukup jampat ngerampit ari orang ke benung sakit.

Taja pia, Direktor Palan Pemansik Malaria (MRC) Universiti Malaysia Sarawak (UNIMAS) Profesor Dr Balbir Singh madah, penyakit malaria enda tau diteju aja laban sebaka enggau penyakit bukai, malaria semina inggap ba seiku pesakit sebedau ke ngerekai ba mayuh orang.

“Malaria endang penyakit ke sebaka enggau denggi laban tebal agi kes nyadi ari chara ke sebaka. Iya bepun ari sesebengkah vektor, lebih agi ari pantang nyamuk



DR BALBIR SINGH

indu Anopheles.

“Taja bansa nyamuk enggau chara iya betelu enda sama, tang pesakit ke udah dirampit malaria enda tau enda berubat lengkas ngagai sepital laban enda diperubat, iya ulih ngujunga penyakit nyadi raya sereta tau munuh nyawa,” ku iya.

Iya madah munyi nya rambau ngenataika sebengkah licha diberi nama ‘The M&Ms: Malaria, Man, Monkeys & Mosquitoes’ digulu urung 300 pesereta bepalan ba Auditorium Pustaka Negeri, kemari.

Kenu ku iya, orang ke udah

dirampit penyakit malaria ba renggat tumu nyangka enda berasai diri udah diingat penyakit nya nyentukka pansut tanda penyakit malaria.

“Nyamuk begunaka sel-sel darah mirah enggau hemoglobin alai iya betelu lalu maya nginsap darah ari mensia, parasit ke dikumbai Plasmodium ke dipelaba besai agi ari virus enggau bakteria ke bisi ba ai liur nyamuk deka tama ngagai darah mensia belubah-lubah nyentuk datai ba sel ati mensia sampaika iya terus betelu.

“Entara kelai penyakit malaria nyengkaum tabin nyentuk dua tauka tiga hari bepelasarka penyampau parasit malaria ke bisi dalam darah,” ku iya seraya madah malaria udah munuh urung sejuta rayat ba dunya tu lalu iya nyadi penyakit dikenangi.

Kelimpah ari nya, iya mega bekunsi penemu pasak pansik ke bekaul enggau penatai malaria kala ditemu idup ba sebansa jelu kera ke dikumbai P. Knowlesi.

Bela bisi datai Dekan Fakulti Sains Perubatan enggau Kesihatan UNIMAS Profesor Dr Ahmad Hata Rasit.